



Broj: 16-12-16-4833-10/22
I. Sarajevo, 08.08.2022. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije za nabavke za potrebe Državne agencije za istrage i zaštitu u 2022. godini broj 16-12-16-4833/22 od 04.08.2022. godine, u postupku javne nabavke taktičkih poludubokih čizama za potrebe Državne agencije za istrage i zaštitu, direktor Državne agencije za istrage i zaštitu, donosi

ODLUKU

o izboru najpovoljnijeg ponuđača u postupku javne nabavke taktičkih poludubokih čizama za potrebe Državne agencije za istrage i zaštitu

Član 1.

U postupku javne nabavke taktičkih poludubokih čizama za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, na preporuku Komisije za nabavke za potrebe Agencije u 2022. godini broj 16-12-16-4833/22 od 04.08.2022. godine, ugovor se dodjeljuje ponuđaču „SHOT d.o.o. Zenica“, ponuda broj 16-12-16-4833-7/22 od 25.07.2022. godine, za ponudenu cijenu 26.800,00 KM bez uračunatog PDV-a.

Član 2.

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

Obrazloženje

Odlukom direktora Agencije broj 16-12-16-4833-1/22 od 28.06.2022. godine, pokrenut je postupak javne nabavke taktičkih poludubokih čizama za potrebe Agencije, procijenjene vrijednosti 27.000,00 KM bez uračunatog PDV-a, za koje je obavještenje o javnoj nabavci broj 1161-7-1-146-8-32/22 od 08.07.2022. godine objavljeno na Portalu javnih nabavki. Novčana sredstva za realizaciju navedene nabavke obezbijedena su u okviru budžetskih

sredstava za 2022. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period april-juni 2022. godine („Službeni glasnik BiH“, broj 19/22). Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 6.1. Izmijenjenog konkurentskog zahtjeva navedeno da je rok za dostavljanje ponuda 25.07.2022. godine, Komisija je dana 25.07.2022. godine u 14,00 sati izvršila otvaranje ponuda, te utvrdila da su u ostavljenom roku pristigle ukupno dvije ponude i to:

R/B	Naziv/ime ponuđača	Ponuđena cijena (bez PDV-a) u KM
1.	„SHOT d.o.o. Zenica“	26.800,00 KM
2.	„INKOS EXPORT-IMPORT d.o.o. Kakanj“	27.000,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača i njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači „SHOT d.o.o. Zenica“ i „INKOS EXPORT-IMPORT d.o.o. Kakanj“ ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti kao i formalno-pravne uslove iz Konkurentskog zahtjeva.

Komisija je u cilju ocjenjivanja tehničke i profesionalne sposobnosti iz tačke 3.1.4. Konkurentskog zahtjeva (član 49. Zakona), u postupku javne nabavke taktičkih poludubokih čizama za potrebe Agencije od Jedinice za specijalnu podršku aktom broj 16-12-16-4833/22 od 26.07.2022. godine tražila stručno mišljenje, da li ponude ponuđača „SHOT d.o.o. Zenica“ i „INKOS EXPORT-IMPORT d.o.o. Kakanj“ zadovoljavaju tehničke uslove propisane Konkurentskim zahtjevom.

Jedinica za specijalnu podršku aktom broj 16-09-16-4833/22 od 01.08.2022. godine dostavila je mišljenje, u kojem je navedeno da je ponuđač „SHOT d.o.o. Zenica“ dostavio ponudu koja zadovoljava sve tehničke uslove iz Konkurentskog zahtjeva (Opis predmeta javne nabavke), dok je ponuđač „INKOS EXPORT-IMPORT d.o.o. Kakanj“ dostavio ponudu koja ne zadovoljava sve tehničke uslove iz Konkurentskog zahtjeva. Jedinica za specijalnu podršku je nakon izvršenog uvida u dokumentaciju (dokaze) koje je dostavio ponuđač „INKOS EXPORT-IMPORT d.o.o. Kakanj“ i to Proizvođačku deklaraciju (str. 32 do 34), Opis taktičkih poludubokih čizama (str. 30 i 31), Izvještaj laboratorijske analize (str. 23 i 24) i Certifikat o pregledu tipa (25 do 29), utvrdila da navedeni ponuđač ne opisuje dosljedno tehničke karakteristike uzorka obuće, koji je dostavljen uz ponudu ponuđača „INKOS EXPORT-IMPORT d.o.o. Kakanj“. Dalje je navedeno da ponuda ponuđača ne zadovoljava sve tehničke uslove propisane tehničkom specifikacijom iz tačke 2.1. Konkurentskog zahtjeva (Opis predmeta javne nabavke), iz slijedećih razloga:

- Tehničkom specifikacijom Konkurentskog zahtjeva tražena je poluduboka čizma, kao što je navedeno u Izvještaju laboratorijske analize (str. 23), Certifikatu o pregledu tipa (str. 25) i u Opisu taktičkih poludubokih čizama (str. 30), međutim u Proizvođačkoj deklaraciji, koju je dostavio ponuđač „INKOS EXPORT-IMPORT d.o.o. Kakanj“, kao model je navedeno „cipela duboka“, te podaci o tipu obuće, koji su navedeni na strani 23, 25 i 30 ponude ponuđača „INKOS EXPORT-IMPORT d.o.o. Kakanj“ nisu isti sa modelom navedenim u Proizvođačkoj deklaraciji;

- Na certifikatu o pregledu, navedeno je da su vezice-pertle ispitivane za obuću veličine 39, dok je ispitivan uzorak dostavljen u veličini 42;

- Tehničkom specifikacijom Konkurentskog zahtjeva traženo je da obuća mora biti boje RAL7005, s tim da je u Izvještaju laboratorijske analize i Certifikatu o pregledu tipa navedeno da je ponuđač „INKOS EXPORT-IMPORT d.o.o. Kakanj“ dostavio obuću sive boje, dok je u Proizvođačkoj deklaraciji navedeno „boja RAL7005“;

- Tehničkom specifikacijom Konkurentskog zahtjeva traženo je da čizme imaju ojačanje iznad prstiju (tvrđica ili kapica za nožne prste) koje treba da bude termoaktivirajući polimerzat, debljine 1,0-1.5 mm, standard EN ISO 20344 (7.1) zalijepljeno za gornji material. Uvidom u Proizvođačku deklaraciju, koju je dostavio ponuđač „INKOS EXPORT-IMPORT d.o.o. Kakanj“, navedeno je da cipela „ne posjeduje zaštitnu kapu“, dok u Certifikatu o pregledu je navedeno da ponudena obuća ima kapicu za nožne prste, a nakon vizuelnog pregleda dostavljenog uzorka obuće, jasno je da isti ipak nema ojačanje iznad prstiju (tvrđica ili kapica za nožne prste);

- Tehničkom specifikacijom Konkurentskog zahtjeva su tražene „taktičke poluduboke čizme“. U Proizvođačkoj deklaraciji, koju je dostavio ponuđač „INKOS EXPORT-IMPORT d.o.o. Kakanj“, ponudena obuća je klasifikovana kao „radna“. Taktička obuća treba biti posebno prilagođena za taktičke operacije službenika specijalne policije. Obuća koja ima taktičku namjenu se kategoriše kao posebna vrsta obuće dizajnirana za unapređenje rada policijskih službenika i kao takva ne može da bude jednaka obući koja je klasifikovana kao „radna“ ili kao obuća koja je namjenjena civilnoj upotrebi;

- Tehničkom specifikacijom Konkurentskog zahtjeva je traženo da čizma ima oblikovani umetak debljine 4-6 mm, cijelom dužinom đona. Na Certifikatu o pregledu navodi se da ponudena obuća ima umetak koji se ne prostire cijelom dužinom đona, već samo prelazi polovinu dužine unutrašnjeg podplata, a nakon vizuelnog pregleda dostavljenog uzorka obuće je jasno da isti ipak ima još kraći umetak, koji je tanji od 4 mm.

Konkurentskim zahtjevom propisani su uslovi i tehnička specifikacija nabavke taktičkih čizama za potrebe Agencije, s tim da je ponuđač uz ponudu dužan dostaviti opis sa tehničkim karakteristikama ponuđenih taktičkih čizama u pogledu minimalnih zahtjeva iz tehničke specifikacije, kao i katalog ili fotografije ponuđenih čizama. Kod dostave ponude, ponuđač je obavezan dostaviti „plombiran“ uzorak za koji ponuđač mora dostaviti pismeni dokaz (atest) za zahtjevani kvalitet, da uzorak i ponudene čizme odgovaraju zahtjevima iz tehničke specifikacije, a isti treba biti izdat od strane neovisne kuće za kontrolu kvaliteta, akreditovane od strane Instituta za akreditaciju BiH (BATA) ili druge nadležne instiucije članice Evropske organizacije za akreditaciju.

Cijencí mišljenje Jedinice za specijalnu podršku, kao i tehničke uslove propisane Konkurentskim zahtjevom, Komisija je utvrdila da ponuda ponuđača „INKOS EXPORT-IMPORT d.o.o. Kakanj“ nije prihvatljiva, obzirom da ne zadovoljava propisane uslove iz Konkurentskog zahtjeva, te je kao takvu Komisija nije uzela u dalje razmatranje.

Obzirom da je za postupk javne nabavke taktičkih poludubokih čizama za potrebe Agencije propisano provođenje e-aukcije u skladu sa Pravilnikom, da je samo jedna ponuda prihvatljiva, Komisija nije zakazivala e-aukciju, već je navedeni postupak javne nabavke okončala primjenjujući kriterij najniže cijene iz tačke 8.1. Konkurentskog zahtjeva, te sačinila rang listu ocijenjene ponude, kako slijedi:

R/B	Naziv ponuđača	Ponudena cijena bez uračunatog PDV-a
1.	„SHOT d.o.o. Zenica“	26.800,00 KM

Nakon provedenog postupka ocjenjivanja, Komisija je utvrdila da je ponuda ponuđača „SHOT d.o.o. Zenica“ ocijenjena kao najpovoljnija ponuda, te da ista ne premašuje procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije, te odlučeno da se ugovor dodijeli ponudaču „SHOT d.o.o. Zenica“, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponudač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima;
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE

